



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

II. Qualis fuerit conditio primi hominis quoad intellectum.

urn:nbn:de:hbz:466:1-38954

SECTIO II.

Qualis fuerit conditio primi hominis quoad intellectum.

Vastio hæc sicut & illa, quæ seq. proponetur, intelligenda est de homine in statu illo, in quo primum à Deo creatus fuit, qui communiter vocatur status Innocentia seu iustitiae originalis. De homine igitur in illo statu, queritur, qualis fuerit illius conditio quoad intellectum. Pro cuius resolutione

Dicendum 1. Adamum in creatione accepisse à Deo perfectissimam scientiam, & cognitionem rerum omnium naturalium. Ita S. Thom. i. p. quæst. 94. a. 3. Constat i. ex eo, quod Eccli. 17. de primis parentibus dicitur, quod Deus: *Disciplina intellectus repleuit illos. Creauit illis scientiam spiritus, sensu repleuit cor illorum: tum etiam ex eo, quod Gen. 2. Adamus Dei iussu cunctis animantibus nominis propria imposuit. Vnde sequitur, illum omnium animantium naturas callere debuisse, nomina enim, quæ vera & propria sunt, debent naturis rerum congruere: & hoc argumento ad probandam perfectam rerum omnium in Adamo fuisse scientiam vtitur S. Chrysost. hom. 14. in Gen. & post illum S. Thomas suprà.*

Dicendum 2. quod, quamvis Adamus clare, & intuitu diuinam essentiam non cognoverit, illum tamen longè altiorem, & perfectiorem Dei cognitionem habuisse, quam nos modo habeamus. Ita S. Thom. suprà ait. 1. Et quidem, quod claram essentiæ diuinæ visionem non haberit, recte probat S. Doctor, ex eo, quod si eam habuisset, à Deo per peccatum auerti non potuisset, sicut nec possunt nunc beati in cœlo.

Quod autem cognitio illa, quam de Deo habuit, altior & perfectior fuerit eâ, quam nunc habemus, constat ex eo, quod cum non haberet corpus tale, quod (ut ait Sapientia sap. 9.) aggrauaret animam, & sensum deprimeret, cumque

cumque (vt postea dicitur) inferiores animæ potentiaæ in illo ita essent ordinataæ, vt perfectè superioribus subderentur, nec eas vlo modo impedirent; hinc siebat (v^t ait S. Doctor) quod homo non impediebatur per res exteriores à clara & firma contemplatione rerum intelligibilium, quarum cognitionem per primæ veritatis irradiationem facilis percipiebat: additque ex S. Aug. lib. II. de Gen. ad litt. cap. 33. probabiliter dici posse, Deum tunc primis hominibus locutum fuisse, sicut loqui solet angelis, ipsa incommutabili veritate illustrans mentes eorum, et si non cum tanta participatione diuinæ lucis.

Dicendum 3. Adamo ante peccatum mysteria aliqua supernaturalia diuinitus fuisse reuelata, ea scilicet, quorum cognitio in principio illo statu fuit ipsi necessaria. Ita sanct. Thom. art. 3. Vnde sanct. Epiph. initio Panarij aduersus 80. hæreses, dicit mysterium sanctissimæ Trinitatis fuisse ab Adamo cognitum, & sanct. Doctor 2.2. q. 2. a. 7. asserit, eidem Adamo diuinitus innotuisse mysterium Incarnationis, non quidem vt fuit institutum ad liberandum humanum genus à peccato, sed vt ordinatum etat ad beatificandos homines, seu ippos ad claram Dei visionem perducendos, quam ipsi proprijs viribus nec mereri, nec aſteſequi vñquam potuerint.

Sunt etiam aliqui Theologi, qui probabile esse existimant, Adamum cognouisse bonorum angelorum meritum, & beatitudinem, simulque malorum casum & damnationem, tum ad eius consolationem, cùm intelliget nonnullos homines ex ipso oriundos in eorum locum asciscendos esse, tum etiam ad propriam cautelam.

Cætera vero, quæ neque ex principijs naturalibus.

sciri possunt, nec ad homines recte gubernando in ordine ad finem supernaturalem

pertinent, recte à sancto Thoma,
supra, Adamum latuisse

dicuntur.

K

SE